



Broj: 20-16-4-432-42 /16
Datum: 28.07.2016 godine

Na osnovu člana 61. stav (2) Zakona o upravi ("Službeni glasnik BiH", br. 32/02 i 102/09), člana 8. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine ("Službeni glasnik BiH", broj 36/08), člana 69. stav (2) tačka d) i 70. Zakona o javnim nabavkama ("Službeni glasnik BiH", broj 39/14), a na osnovu preporuke Komisije za javne nabavke iz Zapisnika o pregledu i ocjeni ponuda broj 20-16-4-432-39/16 od 27.07.2016. godine, direktor Direkcije za koordinaciju policijskih tijela Bosne i Hercegovine, donosi:

O D L U K U
o poništenju postupka javne nabavke

Poništava se postupak javne nabavke robe – policijske uniforme za Lot 2- Džemper (džemper tamno plavi, džemper crni), u otvorenom postupku, objavljeno na portalu javnih nabavki, broj obavještenja 91-1-1-30-3-22/16 od 27.04.2016. godine i u „Službenom glasniku BiH“ br. 33/16 od 06.05.2016. godine dana, iz razloga što nijedna od primljenih ponuda nije prihvatljiva.

O b r a z l o ž e n j e

Direkcija za koordinaciju policijskih tijela Bosne i Hercegovine (u daljem tekstu: Direkcija) provela je otvoreni postupak javne nabavke policijske uniforme, sa dodatnom objavom obavještenja, broj obavještenja 91-1-1-30-3-22/16, objavljeno u „Službenom glasniku BiH“ br. 33/16 od 06.05.2016. godine dana 27.04.2016. godine.

Iz Zapisnika o pregledu i ocjeni ponuda Komisije za javne nabavke broj 20-16-4-432-39/16 od 27.07.2016. godine (u daljem tekstu: Zapisnik Komisije za javne nabavke) proizilazi da su u predmetni postupak nabavke za Lot 2, ponude dostavili sljedeći ponuđači:

- „Astoriya Company“ d.o.o., Novi Grad, ul. Pete Kozaračke brigade broj 5, sa ukupnom cijenom ponude od 37.070,00 KM bez PDV-a i bez ponuđenog popusta;
- „Golubović“ d.o.o., I.Sarajevo, ul. II Sarajevske brigade broj 76, sa ukupnom cijenom ponude od 34.425,00KM bez PDV-a i bez ponuđenog popusta;

Analizom pristiglih ponuda i na osnovu izvještaja stručnih lica, broj: 20-16-4-226-17/16 od 30.06.2016. godine Komisija za javne nabavke je utvrdila, sljedeće:

Ponuda ponuđača „Astoriya Company“ d.o.o. nije prihvatljiva za ugovorni organ iz razloga što je Izvještaj (ATEST) o vizuelnoj i laboratorijskoj kontroli dostavljenog uzorka u odnosu na tehničku specifikaciju dostavljen od tijela koje je akreditovano samo za laboratorijsku analizu. Naime, ponuđač je u ponudama dostavio izvještaja o vizuelnoj i laboratorijskoj kontroli dostavljenog uzorka od akreditovanog tijela Bosnainspekt d.o.o. Sarajevo, koje je akreditovano samo za laboratorijsku kontrolu ali ne i za vizuelnu kontrolu, što se može provjeriti i na zvaničnoj stranici BATA-e – Instituta za akreditaciju. S obzirom da Izvještaj (ATEST) o vizuelnoj i laboratorijskoj kontroli dostavljenog uzorka u odnosu na tehničku specifikaciju nije uredan tj. tijelo koje je radilo vizuelnu analizu nije akreditovano, s toga ponuda Astoriya Company d.o.o. nije prihvatljiva u tehničkom smislu.

Ponuda ponuđača „Golubović“ d.o.o. nije prihvatljiva za ugovorni organ iz razloga što je dostavljeni Izvještaj o vizuelnoj i laboratorijskoj kontroli ne sadrži sve podatke kako je to traženo tenderskom dokumentacijom u tački 12.3 podtačka b) „Izvještaj (ATEST) akreditovanog tijela o vizuelnoj i laboratorijskoj kontroli dostavljenog uzorka u odnosu na tehničku specifikaciju tenderske dokumentacije iz kojeg treba biti vidljivo da ponuđena roba u potpunosti ispunjava minimalne tehničke zahtjeve propisane tehničkom specifikacijom tenderske dokumentacije. Iz izvještaja, pored kontrole kvaliteta i vizuelnog izgleda, takođe mora biti vidljivo da li boja ponuđene robe - ton boje (samo za policijsku uniformu tamno

plave boje, tj. za dijelove policijske uniforme za koje je uzorak tona boje sastavni dio ove tenderske dokumentacije), odgovara uzorku boje tkanine dostavljene uz tehničku specifikaciju ove tenderske dokumentacije. Uzorak tkanine, na osnovu koje se vrši analiza boje, potrebno je dostaviti plombiran sa deklaracijom na dostavljenom uzorku robe. Svaka stranica tehničke specifikacije, na osnovu koje je vršena kontrola kvaliteta, mora biti ovjerena od strane akreditovanog tijela i dostavljena kao sastavni dio izvještaja akreditovanog tijela. Pored naprijed navedenog, u izvještaju akreditovanog tijela mora biti naveden i naziv Ugovornog organa i broj javne nabavke". Naime, Izvještaj koji je dostavljen uz ponudu od strane akreditovanog tijela "Texstilinspekt d.o.o. Beograd" ne sadrži naziv Ugovornog organa i broj javne nabavke. Pored navedenog takođe uz Izvještaj nisu dostavljene ovjerene stranice tehničke specifikacije od strane akreditovanog tijela, na osnovu koje je vršena kontrola kvaliteta. Ponuđač je uz ponudu dostavio Deklaraciju o usaglašenosti tehničkih karakteristika od firme RMW Construction Šabac i koja sadrži sve tražene podatke ali ista nije prihvatljiva iz razloga što nije izdata od akreditovanog tijela. U skladu sa navedenim ponuda ponuđača Golubović d.o.o. za Lot 2. nije tehnički prihvatljiva jer je dostavio dokumentaciju (izvještaj akreditovanog tijela) na način kako je predhodno opisano.

U smislu prednjeg, a uvažavajući preporuku iz Zapisnika Komisije za javne nabavke, odlučeno je da se predmetni postupak javne nabavke za Lot 2, okonča donošenjem Odluke o poništenju postupka javne nabavke, u skladu sa članom 70. Zakona o javnim nabavkama ("Službeni glasnik BiH", broj 39/14), iz razloga što nijedna od primljenih ponuda nije prihvatljiva.

Uvažavajući preporuku Komisije za javne nabavke, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi Bosne i Hercegovine, putem Direkcije za koordinaciju policijskih tijela Bosne i Hercegovine, u pisanoj formi u tri primjerka, neposredno, elektronskim putem-fax ili preporučeno poštanskom pošiljkom, u roku od 10 dana od dana prijema Odluke.



Dostaviti:

- Ponuđačima putem faxes;
- a/a.